

六安州志卷之十五

學校志四

書院

龍山書院州東五十里龍穴山宋汪公立信讀書於此

久廢

武陟書院州西三十里武陟山宋焦氏兄弟讀書於此

久廢

運禎書院東嶽廟右有室五間前有池地僻而靜士多

肄業其中久廢

六安州志

卷之十五

書院

一

龍津書院武定門外踞龍磐石上潞水西來繞之平沙

淺瀨俯瞰林木風檣上下最爲奇勝舊爲龍王廟雜

祀土偶明嘉靖六年丁亥州守歐陽德奉例撤之改

格致書院同知林華以謫至日率諸生講習其間病

其狹隘闢之掘地丈餘得宋玉霄宮殘碑刻有闢異

端息邪說使斯民率由正路之語並硯石一片背鐫

程氏字乃仍舊宇爲堂三間登其前地爲臺日廓然

方廣十二丈高一丈有五迴出簷表望可數十里前

爲堂三間左右爲號房十六間由臺左右崇級而上

東三楹曰聚樂西三楹曰朋來並堂而峙後爲寢室

右爲厨左爲後號房各三間外樹坊牌三架扁曰龍

津精舍內祀宋知軍程公端中康熙五十三年知州

張燦訪遺址重修今廢

龍門義塾試院東北龍門巷內雍正己酉諸生公建今

廢

安湖會館州西南大湖西明嘉靖癸丑同知鄧向榮覽

勝構堂以資講習久廢

青雲會館儒學前右爲明萬歷間知州楊際會生祠諸

六安州志

卷之十五

書院

二

生肄業其中久廢

廣颺書院州北門內議自知州盧見曾鳳郡同知史曾

期攝州篆捐留工費銀二百兩知州王祖晉創建候

補州同葉永森捐宅四十一間生員申館捐宅一間

爲基乾隆八年四月告成後堂五間中祀臯陶神主

左右爲號舍前掌教書室五間右耳房一間西號舍

十間廚房三間書室前爲講堂左右號舍四間前廳

三間右號舍一間左翼號舍三間右翼樓上下號舍

六間前大門屏房三間右廂房三間外照牆東設柵

門十年池郡同知宋敷攝州篆營資產置書籍延師
集徒十二年知州金宏勳增膏火生息西北擴號舍
十間巡撫潘思渠顏於堂曰明經飭行十六年講堂
傾紳士葉永森葉恩榮捐助知州金宏勳經理重建
咸豐間兵燹燬廢同治元年州紳承辦善後公件卽
張駿充公舊屋整理之以爲公局繼奉 大憲批飭
於充公田租內提款重修書院時州人公議舊址已
成白地不若就公局拓之工力較易乃價購局旁基
址營建之原案及先後捐款詳載會文局下

六安州志

卷之十五

書院

三

社學四所一朝京門外大街一通濟門外官湖一鎮南
門外南壇右一武定門外阜陶祠後因孔氏立家廟
改立社學於北
三里並五鄉社學俱久廢雍正五年知州李懋仁於
各鄉興建社學延文行師儒分教其鄉之有志嚮學
者時彬彬稱盛云今皆廢

義學一所康熙二十九年監生魏世忠捐北門內大街
樓瓦房共二十二間捐蘇家埠八里灘田地一段載
糧三斗五升由儒學詳委教讀生監田查報民間俊
秀子弟無力讀書者俱受業焉後比康熙己亥年知

州楊恢基學正吳羽翹爲改建於儒學之東

書院公產共八十一石七斗一坐落荒灘集二十四石
一坐落雙塔寺四石二斗一坐落獨山寺四石俱知
州王祖晉用公捐銀置一坐落李松岡集八石署知
州宋敷捐置一坐落方家冲二十石五斗候補州同
葉永森捐一坐落東四十里舖十二石生監舒鵬舒
翼捐一坐落武陟山九石諸生徐豈穉等捐

乾隆十年署州宋敷任計得紳士捐助銀二千二百兩
存典生息以資膏火歲息四百四十兩十二年知州

六安州志

卷之十五

書院

四

金宏勳捐俸一百兩英山縣知縣董良弼捐俸五十
兩霍山縣知縣吳學山捐俸一百兩紳士續捐一千
餘兩除添建號舍外實存銀一千四百兩交鹽典商
照前例生息計歲息二百八十兩今無

乾隆三十九年增廣生魏邦瑞捐望江灣牧灘一分每

年佃戶交納課銀八兩

捐銀紳士經知州宋敷金宏勳先後詳請照社倉例
分別示獎題旌議敘者一人候選州同葉永森撫院
給匾者四人左江道閻純璽監生葉永恩鹽商程光
裕程德公藩司給匾者八人州同程嘉賓貢生李承
烈夏之璜武舉黃大稷生員舒翼監生舒鵬汪涵葉
承恩巡道給匾者二人典商汪怡泰劉通順本州給

匾者十人貢生周之綸縣丞汪大經典商汪顯臣舒恒有呂謙六汪怡泰劉通順吳鼎泰監生祝極任理內有兩次捐銀者分

學田明舊志載知州李懋檜記曰近志云嘉靖戊戌同知林華置買田四十五石五斗有奇徵租一百八十石折價地二十三石有奇歲收租銀俱備州帑本學申請公用按舊志有學博捐俸助買者有指揮干百戶侯助買者有鄉宦給舍義田捐助者逐年學租變賣併買者有沒入者則非盡林華置買可知其田日入事更多所廢棄僅租銀二十九兩六錢五分四釐八毫六絲二忽四微八塵給諸生張敦銘等領佃每年入租額督學使者作正項支銷簿俱在禮房懋檜所記如此則其田在萬歷初已多所廢棄今事經兩朝簿籍冠燬益非向時可比僅存學租田十三莊招佃十三家開種完納學租十六兩七錢一分四釐向解學院散給貧生乾隆十年於學租爲國帑攸關等事案內徵解布政司衙門彙解與地丁一例

六安州志

卷之十五

書院

五

奏銷又順治十八年按院衛公貞元置田四石載糧一斗六升康熙元年按院何公可化置田三石載糧一斗二升坐落竹絲墩額租二十一石除完錢糧外餘租向爲散給貧生之用雍正十一年奉巡撫文將餘租變價交安慶府庫充敬敷書院公用嘉慶二年王問如等遵父王佐典命捐田二十五石坐落百神廟保給貧生王衡楊訥領佃

六安州志

書院 英山

志學書院在界嶺蕭儀聚建湖山書院縣南五里金家橋夏瓚建俱久廢

凌雲書院舊在縣東徐家塆雍正七年知縣趙宗吳建乾隆五十八年知縣嚴克任移建城內明倫堂之左前重門樓三楹左右廂房各二間中堂三楹左右各六間後堂三楹左右廳屋各一間又右廂屋三間咸豐間兵燹燬廢過半同治二年知縣黃光彬督紳重

六安州志

卷之十五

書院 英山

六

修添造後堂左廂房三間顏曰三新樓

德造義學在凌雲書院右側門樓一座前堂三楹後堂一間左右廂房各二間咸豐間兵燹燬廢過半尙未修復

社學二城隍廟東明末俱廢

學田三莊一蓮花山下按院衛公貞元置一按院何公可化置一李樹四

義學田一徐家塆義學前一義學西

義田山西大同府同知鄭元昆捐施家湖梔子畝田十九畝爲合邑童生歲科季考觀風試卷資

六安州志

書院 霍山

書院三所一馬神廟西董令建一縣西五里鬻臺寺一

縣南三里會勝寺俱久廢

南嶽書院明宏治間知府馬金建 見南畿志

衡山書院乾隆二十年知縣張掄甲因舊義學倡助改

建仍苦經費不足二十七年知縣侯克岐集眾議助

後以經理未善耗十之八三十七年知縣甘山與典

史徐杰謀諸紳士捐買民房一所葺爲書院延師訓

六安州志

卷之十五

書院 霍山

七

課甫及二年費已竭仍改爲義學

奎文書院道光六年知縣朱士達建集衡山書院雲程

館田產歸併於此咸豐間兵燹屋宇全爲賊燬

雲程館知縣俞廷相建爲童生縣試之所後改爲書院

每遇縣試暫讓行考試畢復入肄業

社學四隅各一所久廢

義學縣署前街今廢

學田

一羅廠畝一陸山冲一東流河
一東石門一戴家冲一車家畝

雲程館田

一戴家畝一吳家四一管家渡一崔家冲
一周家畝一紅石嘴一洛陽河一古城岡

一穆家山一羅廠畝一頂家橋一牛氏河一蓮花渡
一下符橋一朱家灣一上馬石一吳家灣一朱家灣
一吳家四一管家渡一洛陽河
竹灣一古城岡一洛陽河

六安州志

卷之十五

書院 霍山

八

六安州志卷之十五

學校志五

試院

試院州治東大街雍正四年創建五年知州李懋仁捐俸勸助遴委諸生等十有二人督建大堂五楹東西文場各五間儀門三間大門三間鼓棚二座照牆一座提調堂三間在大門內巡捕廳二間在大門西供應房四間在大門東後樓五楹二堂三楹東西廂房各三間乾隆十三年知州金宏勳添建東文場五間

六安州志

卷之十五

試院

九

十四年公議大門偏東未稱生員晁廷燦捐助改建正中二十七年知州徐元移大堂於後添建號舍六間並重加修葺四十八年知州楊有源勸助買許姓民房一所移大堂二堂樓房於後重建東西文場各十二間改修皂隸房於大堂西移提調堂於大門東巡捕廳於大門西供應房於東轅門外並留巡邏巷一道四圍土牆易之以磚覆之以棘通體完固堅密矣咸豐七年粵逆再陷城燬於賊

同治元年五月安徽撫部院李 扎六安州知悉同

治元年五月初十日准 學院馬 咨開查安徽八

府五州未得考試十年有餘當安慶克復之後惟鳳穎甯廣間有賊氛然軍威大振不難漸次殄滅其餘各府州均已肅清廬郡近亦收復人心大定雖善後各事宜應辦者多而考試大典似亦亟宜舉行本院現已飭知各屬勸諭士子復業一面清釐學冊籌修考棚隨時申報以俟按臨惟慮各府州或有玩愒未能實力奉行應請貴部院通行飭知俾其妥速籌辦以慰士民之望理合備文咨請查照等因到本部院

六安州志

卷之十五

試院

十

准此合行札飭札到即飭所屬士子復業清釐學冊籌修考棚務須體察情形能否妥速籌辦切勿稍涉玩愒仍將籌辦緣由隨時通報查考毋違此札聞八月六安知州鄒筍稟竊奉札飭籌修考棚等因遵查卑州考棚公事向來卑州境內籌費一半英霍籌費一半一面督飭學正馮雲錦會同州紳悉心估計工料約需錢一萬串以外擬由英霍各勸捐銀二千兩餘由卑州城鄉紳富勸捐足數業據英山何令先措解銀五百兩到州經卑職飭紳發給窰戶定燒磚瓦

一面飭催霍山及州紳亦先措繳以便趕緊採辦木料擇吉於閏八月十六日破土興工派州縣三處紳董會同和衷公辦以成此舉而昭公允理合先行繪圖具稟呈報仰祈鑒核立案同治四年四月運同銜候選同知史克信同知銜候選知縣李壽彰五品銜候選知縣王瑞卿候選知縣黃孝綬五品銜候選縣丞高鴻臚州同銜候選縣丞陳清寶候選訓導楊恩榕候補刑部司獄許恩祥廩生楊大樾候選從九周維新稟竊職等奉諭修建試院遵卽會議籌辦並鳩

六安州志

卷之十五

試院

七

工庀材陸續修建中間兩經寇擾材木未能迅致並工匠罷遣復聚不無耽延自元年十月起至三年五月底止共二十箇月工程粗竣通計此次共收四鄉保捐及提捐六底足錢一萬一千一百八十八串五百三十一文收英霍兩縣捐輸銀扣錢伍千一百六十四串八百十三文收州署發出別款挪用錢五百八十八串四百三十六文總計收數共錢一萬六千九百四十一串七百八十文通計試院材木磚瓦工匠支用並在局火食及兩次賊擾燒去瓦宿柴草毀

壞坯料暨賊來城垣崩塌倉卒搬移木料衛城致多損折各耗費共去足錢二萬二千三百一十四串一百二十二文計霍山尙欠捐銀四百三十八兩零六分及四鄉尾欠均需催繳猶恐不敷容於別項公事內挪移彌補理合造報

雍正八年知州李懋仁捐置田五石坐落周家冲收租辦賦外爲看守人役飯食

乾隆五十六年祝標祝燾等陸續捐錢一千七百串取息永爲生童卷費先是奚克勳奚綸等捐田五十石

六安州志

卷之十五

試院

七

以爲生童卷費嗣有祝項遂將奚田變賣七二錢八百串取息以爲諸生鄉試卷費及貧生會試盤川咸豐四年粵逆陷城存款全失事平陸續議派公田分款立案詳載會文局下

學額

州學廩膳生員三十名增廣生員三十名歲科兩考入學附生二十二名六安英霍向隸廬郡州學廩增生員各三十名歲科入州學十六名雍正二年初陞直隸額如舊後經禮科給事中議原隸府屬州縣派入

府學名數應歸改陞直隸州學督學政鄭 奏酌減
廬州府學三名歸於州並定州學分府學額二名餘
一名州與英霍輪派乾隆二年陞六安爲中學增入
四名州每入二十二名其府額一名仍與二邑輪十
二年丁卯督學觀保請將州邑輪派之府學一名專
歸英霍輪派永爲例武童生州入學十四名

加廣文武學額各案

咸豐四年安徽巡撫福濟奏報署六安州州同茅念劬
舉人李元華等帶勇克復六安州城一摺奉

六安州志

卷之十五

試院

三

上諭加廣六安文武學永遠定額各一名同治三年十
二月十二日江蘇巡撫李鴻章奏蘇皖兩省歷次捐
輸請加廣學額一摺內開自一次至二十六次止六
安州捐輸銀五萬一千四百五十七兩請以五萬兩
加廣文武學永遠定額各五名同治四年二月五品
銜候選縣丞高鴻臚五品銜和州學正楊士衡州同
銜候選縣丞陳清寶候選教諭陳大章候選訓導陳
大韶廩生楊大樾魏秀毓藍翎千總曹繼成六品頂
翎翟步洲謹稟竊職等前赴

閣督部堂會轄下以咸豐四年六安東南三十二
保集勇助攻舒桐籌備糧餉爲數甚鉅稟懇確查成
數照例咨 部加廣文武學在案奉 憲諭轉奉
藩憲何 札開奉

督部堂會 札確查詳辦飭職鴻臚等會同職繼成
將助輸銀兩收支細數造具清冊呈送核辦等因奉
此伏查職繼成父遠榮於咸豐三年奉諭辦理團練
剿辦土匪并四年粵匪竄州堵剿截殺需用勇糧一
切經費皆係旌德呂姓并六安晁熊洪鄔各股尸存

六安州志

卷之十五

試院

由

積稍穀挪以濟用均不計外所有自咸豐四年六月
初三日起至七年二月止帶勇隨同
提憲秦攻剿舒桐歷次集勇名數需用勇糧及一切
經費收支各數共計收到六安東南三十二保捐米
捐稻捐錢及六安州局籌撥米石錢文總共錢叁拾
萬零叁千叁百叁拾柒串捌百柒拾柒文又收六安
孔姓罰款錢五千串文又收舒桐兩縣籌米石錢文
並
撫提藩憲撥給銀兩共扣錢二萬四千五百三十八

串六百文總共收到錢三十二萬七千八百七十六串四百七十七文共支去勇糧勇費及一切經費計錢四十一萬七千六百八十九串一百二十五文除收徑支外仍虧空錢八萬九千八百一十二串六百四十八文查此項虧空皆係實欠於勇當時均書立墨簽交各勇收執一面稟請茅前憲籌補轉奉

藩憲畢 批示責成茅前憲會同金前憲籌議歸補適六年蝗旱籽粒無收七年復被賊擾蹂躪尤甚以致到今未補經此兵燹舊勇亦多流亡存者十僅四

六安州志

卷之十五

試院

五

五時有索欠實無可籌查此項會奉前憲會議以孔廣春罰項尙有錢二萬三千串可以追繳彌補倘能追出若干卽儘此數分給以清煩瀆理合造呈清冊伏乞詳報

藩憲轉詳以憑奏請加廣學額不勝待命之至奉州憲何批三十二保捐助錢米稻並州局籌撥錢米合計錢叁拾萬叁千叁百餘串比照當時領

撫藩憲撥款每兩扣錢二串此項錢文應折銀拾伍萬壹千六百餘兩候詳請核辦繳具切結同知銜候

選知縣李壽彰運同銜候選同知史克信五品銜候選知縣王瑞卿候選知縣黃孝綬五品銜候選縣丞高鴻臚五品銜和州學正楊士衡州同銜候選縣丞陳清寶候補刑部司獄許恩祥卽用主事周維翰卽用員外郎楊大樾候選知縣儲璣運同銜江蘇候補知縣謝紹東五品銜候選從九卞以潤候選教諭陳大章候選訓導楊恩榕陳大韶待詔銜呂惠南試用訓導魏秀毓藍翎監生陳乾生張開第廩生曹秉心左輔卿生員徐春棠宗士林楊汝玉監生聶家蕙陳

六安州志

卷之十五

試院

六

爲鵬六品頂翎翟步洲實結得台下案奉轉知詳奉藩憲批示曹遠榮集勇捐助銀兩緣文卷遺失無從查考如果並無捏冒情事出具切實印結備核比飭職等確查出具切結以憑加結轉詳職等遵加檢查已無案據曹遠榮隨剿舒桐捐助錢米稻穀成數逐細根查實無捏冒所具切結是實同治四年十二月十九日

撫部院 奏請以銀四萬兩加廣文武學額
提督學院 奏請以銀四萬兩加廣文武學額
遠定額各四名以銀十一萬兩加廣一次文武學額

各伍拾伍名分六次取進奉

俞旨欽此同治五年五月初三日

撫部院喬
學部堂會
院朱

奏皖省官生在清淮局及江北糧臺

捐輸銀兩請加廣學額一摺六安州捐銀四千一百

六十一兩七錢五分請以銀四千兩加廣一次文武

學額二名文以同治五年科試取進武以同治七年

歲試取進

以上正額併加廣永遠定額文額共三十二名武額

共二十三名加廣一次文武學額共五十七名於同

六安州志

卷之十五

試院

七

治十年歲試補足

又同治六年閩撫部院李 奏安徽紳商士庶在閩

捐輸六安折合例銀一千零二十一兩未奉

俞旨

英山學額十二名又州學一名與霍山輪派

歲試派英
科試派霍

武額八名咸豐四年克復英山城一摺奉

上諭加廣英山文武學永遠定額各一名咸豐十年湖

北軍餉捐輸案永廣文武學額各四名計舊額併加

廣定額文額共十七名歲試輸入一名武額十三名

霍山學額十二名又州學一名與英山輪派

歲試派英
科試派霍

武額八名同治三年軍餉捐輸案永廣文武學額各

三名六年軍餉捐輸案永廣文學額七名武學額五

名計舊額併加廣定額文額共二十二名科試輸入

一名武額十六名

兩縣廩膳生員各二十名增廣生員各二十名

六安州志

卷之十五

試院

六